

بين إيديا

إزاي بالسرعة ديا
علق قلبي بعينه
واتعلق هو بيا
أنا مش مصدق عينيا
كل اللي حلمت بيه
لقيته بين إيديا
ده أنا لسه عارفه يادوب
معقولة لحقت أدوب
وشدني الغرام وبسرعة أوام
هواه بقى قدري والمكتوب عليا

طاير بيا قلبه فوق السحاب
كل اللي فات من قبله سراااب
فرحة سنيني شايفها بعيني
من بعد سنين جه
فرحي اللي غاب وتأخر شوية
إيه تاني حتمناه
ما خلاص لقيت ف هواه
أحلام كل عمري ونور ليلي وقمري
كل اللي فات حنساه قبل ما أشوفه بعينيا